



Inatsisartunut ilaasortat Knud Kristiansen, Siverth K. Heilmann
ATASSUT

**Inatsisartut suleriaasianni § 37 naapertorlugu apeqquteqaammut 2012/252-
imut akissuteqaat.**

Asasakka Knud Kristiansen aamma Siverth K. Heilmann

Inatsisartut suleriaasianni § 37, imm. 1 innersuussutigalugu Naalakkersuisunut
ukuninnga apeqquteqaateqarput:

15. nov. 2012
Sagsnr. 2012-075471
Dok. Nr.1059938

Postboks 1029
3900 Nuuk
Tlf: +299 34 50 00
Fax: +299 32 20 73
Email: iin@nanoq.gl
www.nanoq.gl

**Apeqqut 1: Atuartitaanermut pineqartumi ilinniutit massakut suut
piuppat, tassuunakkut kalaallisut oqalussinnaanermut naleqqussaqqin-
neruniarluni siunnerfeqarsimaganni?**

Akissut: Kalaallit oqaasiinik ilinniartitsinerup immikkoortuinut Oqaatsinik
Pikkorissarfik (OP) ilinniusiortuuvoq. Ilinniutittaaq aaneqarsinnaapput
Pikkorissarfiup nittartagaani: www.oqaatsit.gl

Taassuma saniatigut internettikkut ungasissumut atuartitsinermi ilinniutit
atorneqarput. December 2012-imi/jannuaarip aallartinnerani 2013-imi CD
saqqummissaaq taaguutilik "erinarsuutit oqaasilerinertallit",
nittartakkamittaaq aaneqarsinnaasussat.

Utoqqaanerusunut inersimasunullu atuartitsinermi atugassanik
Ilinniusiorfik saqqummersitsinikuvoq taaguutilimmik "Qaagit".

Oqaatsinik ilinniusiat nutaanerpaat tassaapput Per Langgaardip DVD-liai "Ka-
laallisut ilinniarit".

**Apeqqut 2: Naalakkersuisut pineqartumut tunngatillugu qanoq
pilarsaaruteqarpat suli amerlanerusunik ilinniutissanik pilersitsinissamut?**

Akissut: Oqaatsinik atuartitsinermi ilinniutissat OP-mit Ilinniusiorfimmilluunniit
amerlanertigut saqqummersinneqartarput. Ilinniusiorfik nalunaarpoq
piffissami kingullermi arlalinnik saqqummersitsisimalluni, "kalaallit oqaasii
oqaatsit arlaattut"-mik atuartitsinermi naatsorsuussaanagerusunik. Taakku
saniatigut suli arlallit pilarsaarutigineqarput. Ilinniusiorfittaaq ordboginik
maanna nutarterivoq, Qallunaatuumiillu Kalaallisuumut Ordbogersuaq
erninnaq saqqummissaaq.

Apeqquut 3: Naalakkersuisut piffissami matumani sunik aaliangersimasunik periarfissanik suliniuteqarpat, taamaasilluni suli amerlanerit kalaallisut piginnaasaqarnerulerniassammata Sisimiuliaqqaanngikkaluarlutik, taassumalu aamma Oqaasileriffiup DVD-iutiligaata avataatigut?

Akissut: OP-p atuartitseriaatsini allanngortippaa najuulluni ulluni qulini pikkorissartarnermiit sapaatip akunnerini 20-ni internettikkut atuartitsinermut. Naliliinerit ilimanarsisippaat taama allanngortitsinerup kingunerissagaa kalaallisut pisinnaasaqarnerulersut malunnartumik amerleriarnissaat. Maannakkorpiaq kalaallisut atuartitsinerup immikkoortuanik siullermik malinnaasut inuit 44-upput – taakkunannga 14-it ungasianiit atuartuullutik – immikkoortullu aappaanni malinnaasut inuit 19-iupput – taakkunannga qulingiluut ungasianiit atuartuullutik.

Apeqquut 4: Sutigut sunniuteqassava inuiaqatigiit ineriartornerannut – arlaatigut iluaqusersuusiunngikkaanni pineqartunut matumani eqqugaanerpaasussanut – takorlooruminartuusinaavormi inuit pineqartut nunatsinnut ilisimasaqarluartut aamma “tatamisikkaluttuinnarlugit” Danmark-imut – nunanulluunniit allanut nuukkaluttualissammata?

Akissut: Tamanna akiuminaappoq, OP-ili tikkuarpaa ilisimalikkat takutikkaat oqaatsinik atuartitsineq suliffimmuut qanittumi pisariaqartoq oqaatsillu ullut tamaasa atortariaqartut. Soorlu OP Brugsenip sulisuinik kalaallisut, qallunaatut tuluttullu atuartitsinerit pingasut internettikkut ingerlatereersimavai. OP-p naatsorsuutigaa taama ilinniartitseriaaseq 2013-ip upernaavani naammassillugu inerisarneqareersimassasoq, taamaalilluni Nunatsinni suliffeqarfinnut tamanut 2013-ip ingerlanerani neqeroorutigineqarsinnaalissalluni.

Apeqquut 5: Naalakkersuisut sutigut anguniakkanik siunertaateqarpat kalaallisut oqaatsit suli amerlanerusunit atorluarneqarnerulerniassammata?

Akissut: Naalakkersuisut ingerlatsineq malinnaavigeqqissaarpaat, tassunga ilaalluni oqaatsit pillugit inatsisip anguniagaasa malinneqarnerat. Taassuma saniatigut Naalakkersuisut neriuutigaa OP-p suliniutai, qulaani oqaluttuarineqartut, iluaqutaajumaartutaaq kalaallit oqaasiinik atuinerup ataatsimullu isigalugu innuttaasut oqaatsitigut pisinnaasaasa siuarsarnissaannut.

Inussiarnersumik inuulluaqqusilluta
Med venlig hilsen

Palle Christiansen